



UNIVERSITÄTS-
BIBLIOTHEK
PADERBORN

Universitätsbibliothek Paderborn

**De Vita, Et Gestis S. Francisci Xaverii È Societate Iesv
Indiarvm Apostoli Libri Qvatvor**

Bartoli, Daniello

Lvgdvni, 1666

48. Lues pestilens ab Xauerio extincta.

urn:nbn:de:hbz:466:1-10854

colorum Xauerij ante quadriennium defuncti , cāmque ab testibus oculatis desumptam , chirographis publicis muniri , nē sempiternis digna monumentis , intercederent penitū annorum lapsu & æui neglectu . Verū sancto , & solo ; & extra Lusitanorum fines progresso longius ; in regna ferè , locāque ignota & barbara ; hinc illa propemodū sola quæ Goæ, Cocini, Bazaini, Malacæ , (vbi confectæ quas innuitabulæ) gesta sunt , colligi potuerunt , reliqua indicari magis obiter quā exponi . Eiusmodi sunt quæ in hoc fortassis itinere illi contigerint , cerrò quidem sed nudè tradita absque ullis adiunctis , ex quibus confici valeat , aliò quolibet quā ad hoc tempus pertinere . In iis primū est puer filius Saraceni ab Xauerio in vitam reuocatus hand procul à vadis in insulā Vaccarum , Septentrioni opposita , neque id enucleatiū narratur .

48. Sed illud fūsiūs , & explicatiūs quod in Manarā insulā ab eo gestum ,
in quā sexcentos Christianos à tyranno cæsos , non pridem memini . Lues pesti-
Spectatorem res , testem & narratorem habet Ioannem Melum Sampa- lens ab Xa-
ium , arcis ea in Insula , & regno Candiæ præfustum . Incessit Christi uero ex-
Apostolum pius ardor beatam humum salutandi , maximè verò pagum
Pasim , ex quo cœlum adepti tot fortis animæ , loco nomen mutabant ,

& terram martyrum fecerant . At ecce illi huius in aditu ampla seges ,
vti cæsis gaudendi suam sortem , sic condodi superstitibus cladem
suam . Depopulabatur insulam lues sœua , & centena quotidie metebat
capita . Magni Parris aduentu , cuius erat nomen , & prodigiorum fama
celebratissima , concurrit populus ad tria millia , magnam partem idolis
addicti : rogant , & supplicant iis precibus & lamentis , quæ in promptu
habet supremum periculum , nē se peste absūmi patiatur , nec suis insu-
lam habitatoribus orbari , quam sexcentorum non pridem cædes , iniqua ,
& impia , dignam fecerat miseratione ; mollita lachrymis , & strage mife-
rorum , Xauerij charitas , triduum petiit , quo preces ad Deum pro illis
tam parentes fudit , vt lue illicè extincta , omnes cā iecti valueant , nemo
exinde afflatus sit ; quodque longè præstat saluti corporum , omnes animi
vitam adepti sunt , & tanti prodigijs mirabilitate domiti expiatique Xa-
uerij manu , nouam sacro ex fonte vitam , & animam hauserunt : iis verò
(vt illi mos erat) amplius docendis & stabiendis in suscepiti boni pro-
posito subsistere diutiū exercitus yetuit , cui iam iam aduersus tyrrannum ,
Christi hostem ituro , sanctum subdi calorem oportebat ; verū vbi ad
hoc traiecit Nagapatanum sanctus , multum alia serum occurrit facies ,
ab ea quā mente præoperat . Inopinatus casus sulcéque omnia enertit ,
spesque omnes tanti apparatus , & consiliorum diffauit . Nauis Lusitana
opulentis ex Pegu mercibus onusta ad Zeilam confracta , vectorem , &
merces destituerat in vado ; in has prædo rex Iafanapatæ inuolat , & (qui
barbaris vslus est ,) sibi eas rapit ; quorum plurimum intererat complu-
res , minimè dubij , si belli semel initium fieret , nē teruntium quidem ex
iis recepturos , duces auertunt ab deliberata armorum sententiâ ; ita
barbarus & viuit , & triumphat , & suis rebus , iure omni priuandus ,

I 2 pinguiscit

pinguescit alienis, Lusitanis enim pro lucro fuit, tam grauis iacturæ partem redimere, neque postea vñquām de vindictâ quid motum, nisi anno ab hinc quinto & decimo, cum & Lusitanos, & vicinos reges improbitate intolerabili, & crudelitate proritasset. Elusâ in hunc modum, vel missâ incertum expectatione, tam præclaræ expeditionis, quam erat magnificum rapto per nefas regno, inuasorem tyrannum & ethnicum pellere, illudque Christiano Regi legitimo reddere, ad labores Trauancoris Xauerius animum retulit; sed antequam Nagapatanu recederet, vibratis procul identidem in scelestam Zeilam oculis, & diuino futuri prospœctu largè flens, ah! te, ait, insulam infelicem, quot instatam cadaveribus video? quanto Christianorum sanguine madentem? reddituro autem Trauancorem, nunquām adspirauit necessarium ventum Deus, illius nimitem opera, utilius alibi usurus; sed desiderium submisit ingens, Euangelij gradatim portandi in fines ultimos Orientis; cuius desiderij breuiter hic repetenda est origo.

49
Conuersio-
nes opera
Lusitano-
rum,

49. Molucas inter & Borneum, milliaribus Comorino bis mille, æquatori medio insula subiacet, Leucarum ab Austro ad Septentrionem fermè ducentarum; in ea multi suo cuique regno imperant Reguli, rerum omnium, & commerciorum diues est, Geographis Cclabes, Macazar Historicis vulgo dicta quā ei vtramque appellationem, regnorum duorum duæ metropoles faciunt, ex quibus, & reliqua nominantur (quin & nomenclatio Cclabis, minores alias complectitur insulæ, quarum olim domina fuerat.) Hinc sub annum fere trigeminum primum, & sesquimillesimum, fratres duo, idololatra uterque (vti ex quo nati, regnum Macazaris vniuersum) Ternatem appulere, vna ex Molucensibus infulis, vbi suis quibuscumque tandem adducti spebus, multò maiora inuenerunt. Ternate tunc præter Antonius Galuanus Lusitanus, virtute ac bello, apud posteros notus. Cum eo ij fratres dum forte agunt, incidit de religione, nonnulla interseri, ex quibus vix aliquoties paulò fusus iteratis, tantum illos puduit honoris quem Diis suis detulerant, vt darent illicè veritati manus, fidemque amplexi Christianam, & noui ex aquâ vitali homines; alter Antonij, à Galuano, alter nomen ferrent Michaëlis. Indè in patriam reduces, iamque ut poterant doctrinæ magistri, cuius modo esse discipuli cæperant, tam multis illam deprædicarunt apud suos, vt ad Galuanum publicè legati ab iis venerint. Legationis summa erat, aliquos ab eo petere à quibus in lege quam profitebatur, eruditri possent; ad hæc probam & sinceram mentem pretiosissimis munib[us] testabantur, & lectorum aliquot iuuenium pignore, quos interea cupiebant, sacro baptisme lustrari. Legationis principes germani duo, qui eius mittendæ causam præbuerant. Accepta est incredibili gratulatione Legatio; Christiana ritè mysteria edocti iuuenes baptizantur; donis haudquām inferioribus pensantur dona, remittuntur cum iis legati, adiuncto ad eos Francisco Castrio, homine militari, sed cuius cordata pietas, posset interim utcumque partes